



Broj: UP1-01-12-MKS-13-2/18
Sarajevo, 12.1.2017.g.

Na osnovu člana 14. stav (3) Zakona o slobodi pristupa informacijama u Bosni i Hercegovini («Službeni glasnik BiH» br. 28/00, 45/06, 102/09, 62/11 i 100/13), postupajući na osnovu tačke II Rješenja kojim se imenuje službenik za informisanje Direkcije za evropske integracije broj: 01-50-BT-66/12 od 13.1.2012. godine, rješavajući po pisanom zahtjevu broj UP1-01-12-13/18 Admira J. iz Sarajeva, doneseno je

R J E Š E N J E

Odobrava se zahtjev za pristup informacijama koji je podnio Admir J. iz Sarajeva, a kojim su tražene *informacije o tome od kojih je institucija Direkcija za evropske integracije zatražila informacije i koje informacije za odgovaranje na pitanja 511-516 odjeljka Nestala lica Upitnika Evropske komisije.*

O b r a z l o ž e n j e

Admir J. iz Sarajeva, dostavio je zahtjev za pristup informacijama kojim je tražena informacija o tome od kojih je institucija Direkcija za evropske intergacije (u daljnjem tekstu: Direkcija) zatražila informacije i koje informacije za odgovaranje na pitanja 511-516 odjeljka *Nestala lica* Upitnika Evropske komisije. Iako zahtjev za pristup informacijama nije podnesen na obrascu koji Zakon o slobodi pristupa informacijama u Bosni i Hercegovini (u daljnjem tekstu: ZoSPI) propisuje, Direkcija je, s obzirom da sadrži elemente neophodne za postupanje, zahtjev zaprimila 10.1.2018. i zavela pod brojem UP1-01-13/18.

Nijedna institucija, pa time ni Direkcija, nije određivala koje će institucije pripremati doprinose za cjelovite odgovore BiH, već su to utvrdile institucije na svim nivoima vlasti, pregledom Upitnika Evropske komisije, a na osnovu svojih ustavnih i zakonskih nadležnosti.


U skladu s tim, doprinose za pripremu cjelovitih odgovora BiH na pitanja od 511 do 516 dostavili su: Tužilaštvo BiH, Ministarstvo za ljudska prava i izbjeglice BiH, Institucija ombudsmana BiH, Sud BiH, Vlada RS (Republički centar za istraživanje rata i ratnih zločina i traženje nestalih lica), Ured za evropske integracije Brčko distrikta BiH i nekoliko kantona.

Postupajući u skladu sa članom 14. stav 3. tačka b) ZoSPI, doneseno je rješenje kao u dispozitivu.

Pouka o pravnom lijeku: Protiv ovog Rješenja podnositelj zahtjeva može izjaviti žalbu Žalbenom vijeću Vijeća ministara BiH (adresa: Trg BiH 1, Sarajevo) u roku od 15 dana od dana prijema, a može se obratiti i instituciji Ombudsmana Bosne i Hercegovine (adresa: Akademika Jovana Surutke 13, Banjaluka).

SLUŽBENICA ZA INFORMISANJE

Marina Kavaz-Siručić



Dostavljeno:

- podnositelju zahtjeva, redovnom poštom
- a/a